


殘本
都氏文集

三四五



庫	文	閣	内
二〇五函	二册	一八三一六號	和書類

詩文 一三

内閣文庫	
番號	和 18316
冊數	2 (1)
函號	205 51

205-51





都氏文集卷第三

賦

論

序

各付
本詩

銘

讚

表

賦甲一

洗硯賦

以池水為之墨為韻





美者硯瓦帶規誠學士之所寶在經用

知原夫動靜非已行藏隨時居高自持

遂引身以上格或出在外必輸力於臨池徒觀

受受磨不止蒙穢無耻知脩潔之有素不許其



同塵惡凝濁之汙真奉之以就水資人之力
随手自清非我有過洗心更始乃泛^其英之遺
氣滌松煙之餘賦^賦蚊脚半斷逐淺浪而自盪
鳥迹全沉秘潤底而孰為既而在藻之鱗驚
水衣之流媚點苔科而染色滴沙痕以成淚
動搖自由仍謂慈鳥之晝浴出沒不定頻誤
灵龜之時戲别有窮士養癩從^之以忘飢前
夏可師訪故^之於張草聖高山仰止尋^之焉蹤

於王羲之志之暇苦渴在色汲之於用自
強不息儻學海之含垢何廉變而盡^黑畢

一橋賦他本專不見但記可求之字

生炭賦以待吹生煙為韻依吹用之百
五十字已上成之結申四點限
酉刻

物不独化時或有待何炉炭之致功亦^亦人力
之攸在觀夫歲陰推移風雪相隨見彼凜烈
之在候受此煦姬之^之不嘗赴人之急還疑行

義之篤原入時之用更似仁者之施為于以
就之作暖氣以養獸于以近之樂炙手之不
龜既而猛熾時至辯士之舌同色鼓動無已
美人之口交吹尔乃漏入五更天无属初明既
達且而不死復徹夜其長生遂則保之以相
傳護之而不眠誰謂之微扇令作氣我與其
進所以起煙於戲物既有此人亦宜然增其
榮觀資友好之翦拂倍以價教賴師匠之雕

鐫門未能乞火以目喻唯願苦節以先天

論

辨薰蕕論

于時余弱冠入學人皆務
伐賢愚不分故為著論

人有賢愚物有美惡人以賢才為賢物以美
體為美是故人中有人之有賢才者名高
物中有物之有美體者價貴庸詎謂無賢
愚於人無美惡於物乎哉若然則曲阜丘
比培塿而無別紫蘭紅蕙渾萊艾而不分求
之竺論何其謬乎觀夫草之有薰蕕亦猶人

之有賢愚董也生一園之中共有枝茂賢也
愚也居二儀之間共有頭足人或不并謂無
異曰彼一賢一愚而世不似為異此或香或
臭而人猶以為同遂使賢愚一貫曾無等差
香臭一氣時有混亂當此之時能視者視之
而別人之賢愚能聞者聞之而辨草之香臭
否則白藏九月驚飈加振繫之威玄英三冬
嚴霜致殺伐之累徒蘊酷烈之氣与凡藜而

盡耳但至歲窮陰律音入陽交群木榮於林
百卉秀於野本臭者亦自臭初香者亦自香
此為稟性不同含氣有素遂則臭者生於道
路牛羊之足踐其萌牙香者摩於宗廟鬼神
之口嘗其氣味今之君子若能性絕鸚鵡之
喙令久其芬芳鋤除菘莠之根無雜其穢惡
不同器而藏當異処而種美惡香臭可得而

明焉

銘二 大唐明州開元寺鐘銘一首 并序

乙酉歲二月癸丑朔十五日丁卯日本國沙
門賢真教造銅鐘一口初賢真泛海入唐經
過勝地明州治南得開元寺可以繫意馬
可以降心猿後自就一遊留連數月有雲樹有
煙花有樓臺有幡蓋禪器之類亦多備焉但
獨闕者捷椎而已奉寺僧徒相共恨之其中
長老悟賢真云常聞本國好脩功德若究象

治之工以合雙槩之製從彼扶桑之域入我
伽藍之門遍滿國土不得不隨喜第二天象
不得不驚聽今時賢真唯然許之歸鄉之後
便鑄此鐘送達彼寺遂本意也直指庶苑遠
駕鰲波物出一方善分兩處寸心丹寶之信
取筌十枝萬里滄瀛之程寔道一箭念之至
也感之通也推前生以言之引後事以驗鈴之
小僧昔有誓願於彼寺彼寺今有因緣於小

僧亦已明矣若不然者得如是乎凡寺靡不
有鐘之靡不有銘無鐘何以警衆無銘何以
示人况乃天非常天地非常地今日謂之谷
明日謂之陵庶使大小象生向黑四輩千歲
倍視一辯刻久有前進士京華封者為之銘

曰

鳥氏三思鴻鐘四名赤銅練畫朱火冶成
鑿脣吐氣聚乳含精和霜秋晚影月夜更
禪林

共振清籟混鳴十方中響三大下聲鬼神
魂聳天龍耳驚梵韻旁達永離苦生

銅鉢銘應

右蓋相教

家之旧器銅鉢相傳高僧所宝下打幾年響
通有頂聲播無邊先靈得聽自作良緣

鈿子迴文銘

多煮茶茗飲來如何和調體內散向除痾

筆銘

詩人之具唯筆為先揮鋒有術一人當千

硯銘

出力士窻入文人手磨而不礪在用弥久

贈渤海容扇銘

畫扇大枚
令与十人

隨時致用在夏為功君子所重扇揚仁風文
秋向畫圖雲寫霞好之又好嘲躡九華圖躡
可愛近人之裁惠風及我仁遠乎哉固之者
扇在彼一掌遂暑未涼所以是仰沙黃石泐

躡熱心倦何以賜賓延風之扇松烟鈿澤因
畫成文彩色之妙比光慶雲炎氣中人若火
之熾引扇而動清風立至取涼素手掩曲朱
脣握翫無廢既妾且親輕便有躡裁製之功
異類回應風生手中行藏有節出處無違比
德君子皎然不疑取涼之器自風流雖乃在
夏連其似秋良工極妙圖躡中規而象非遠
學天孕奇動靜非已去留依人有情風在馭

除客塵。雖有手。職能蕩心塵。是以其好。不以
其新。勢作風氣。體裁月輪。手親相贈。于彼嘉
賓。此器之美。能蔭早雲。時當暑熱。而以相依。
往還。月轉搖動。風隨取彼涼氣。此其不宜扇
之為用。以禦炎氣。手指功畢。今朝賜君。巧思
不已。團扇遂成。高人不執。歛彼風群。自然之
氣。手下驚蘋。時暑薰炙。賜彼遠人。

讚四

蒼頡讚

黃神之史。蒼頡標名。千年一出。四目及明。獸
速書妙。兌毫筆精。紛々虫鳥。惟公所生。

老君讚

不知其始。為誰之子。和光混迹。猶伏柱史。

偃佺讚

絕世蟬蛻。凌霄鳳翔。槐山是託。松子為糧。白
羽飄被。翠霓映裳。先生之壽。日月詎長。

北叟讚

雖樂勿樂雖哀勿哀憂為喜本福為禍胎笑
終弔及弔去賀未瞞之羽老獨峯于懷

盧思道讚

有隨墨客此是盧公行佻情簡外明內融三
春詞露八采文虹微官不樂寄志孤鴻

白樂天讚

有人於是情實虛深抱紫垂白右書左琴仰

飲茶并蒨傍依竹林人間酒癖天下詩淫龜兒

養子鶴老知音治安禪病發菩提心為白為
黑非古非今集七十卷盡是黃金

良馬讚

龍瀏涌乳菟魄降精耳尖鼻大胸匝膈平逐
電飛影嘶風遠聲眼懸星耀權掙月明引身
赴敵蓄氣應兵持與人類愛將妾并瘦容易
失逸態難頌青菊充餽紅粟養生一朝價重

萬里蹄輕莫言憐駕御之有程。表五
奉吞太上天皇御封才一表。皇帝上表

臣諱言今月十五日右大臣後四位上藤原
朝臣山蔭至奉宣。天上曰讓還御封恭養
慈綸伏增震駭臣諱誠兢誠惕頓首。臣
若誓故夏太上天皇者御供有數不司祗陪
陛下願重國家申詔抑損敷訓切至奉以周
旋然國之通規牽由漸久一旦頓廢千載貽

譏故仍先代冲之旧割二千戶以為御封
臣猶恨壤少連亘物非奇贏而今更慮公費
之繁多不享土地之所輸臣聞諸遺老養和
之始前後太上天皇並存於世當斯時也封
分二天租入兩處理之不定未為多煩况今
陛下一天覆育四海函顯賴其德化公^私有何
艱勞加以古之不行今有成典至臣而闕論
者何伏願陛下日月照臨之明必察寸疑何

海含容之量莫厭微涓無任悚戰之至謹奉
表以聞臣諱誠兢誠惕頓首謹言

奉答太上天皇辭御封弟二表

臣諱言伏奉今月廿六日慈誨不許充上御
封臣去月表聞冀蒙允照赤抱無効玄鑒詎

遙謝中臣聞問道崆峒而不廢御俗之務凝神

姑射而未忘理世之方真假兩存古今壹揆豈

有以窅寥之趣違率由之規者乎陛下降黃

屋之尊并赤縣之憲削華袞冕滌慮石泉今

之御封猶同撮壤此而可厭細塵安歸陛下

好謙之過既出理法之外愛費之至欲居之

約之中縱今陛下上仙之厨取足朝夕之饌則

恐左右下從之類難結歲時之資豈汙汾水

之流聊上昧滄之翰伏願陛下使臣白華

之志申盡敬之誠臣烏烏也之情得反哺之便

則臣子禮達忠孝道行全曰式於當年傳故

實於來代無任懇欵之至謹重奉表以函臣
其誠兢誠暢頓首謹言

為尚侍源朝臣讓職第一表

妾其言妾以貞觀之始得忝尚侍之官其後
屢推精誠苦求退去而更降優旨不聽自辭
不以勉勵其心從妄於紫掖之下顯露其咎
積過於散管之記今妾老隨日至病逐年侵
未成流芼之儀雅助洞藻^草之禮雖云婦人之

寡慮猶知筋力之難堪徒增愚蒙有損聖運
請解不職待罪閨門伏冀大陽^{必賜}允照妾之本
意於是遂誓不任恹欵之至謹奉表以函謹
言

為源大納言讓陸奧出羽按察使第一
表

臣某言臣函器違其分榮非不榮任越其才
量還失量謝^中臣以無人望過度國恩祿秩優

崇寵命隆赫往年降詔以臣本官兼督陸奧
出羽諸軍豈惟彼兩地異類群居暗昧是非
簡畧禮義頃者鳥聲轉大狼心益狂殺我人
民燒我城邑臣脚踐沙漠之地身隳胡虜之
庭致其胥領之誅肆其爪牙之銳而臣書之
趣單醪投授水誰表迎飲之戒遂使犬羊流離
不安巢穴干戈搖動時為風塵是臣之慙
莫甚焉是臣之罪莫大焉伏願臣陛下遠

慮之心罷微臣遙領之職選竜虎以代之推
武猛以求之則鳴鳶收沸野之考自當不日
嘶馬乾出塞之汗亦得大敵也指期無任悚懼忝竊
之至謹奉表陳讓以聞臣某誠惶誠恐謹言

為主殿頭當麻大夫請致仕表

臣某言臣以葺細久貧采滋無限之恩未酬
有涯之由生垂盡臣其誠惶誠恐頓首死
罪死罪臣凶虻籤屢移絳憤疲急漏之唱蜚燭

假續紗窓少長明之光臣春秋七十氣力無
餘四體不仁一身共據紅顏非昔過京洛而
慙少年白髮在今鑒御海而悲衰老昂是傳
家委子之時含飴弄孫之日縱令臣目眩視
五色耳聾聽五音誰壞就木之思頓致懸車
之請今臣羸病歲積蒙昧日侵口得糜而乃
食身非帛則不燻老之故也不以臣欲稅駕
於蓬蓽之門赴遊於薜蘿徑者計豈在奉朱

炆而練丹藥燒白雲而種紫芝乎唯須瀆老
子而翫五千家全彼知止之分從王元以取
十六篇解其頤神頤之術如此而已伏願陛下
正乞也臣餘年緩臣殘喘臣今日以後不復
夜行指表里而歸骸顧欺罔而掩涕臨表哽
戀戀身去神留無任愚懇之至謹奉表以聞臣
其誠惶誠恐頓首死罪以謹言

為真雅園梨讓偽正第一表

沙門真雅言量力審分煙竹之篇垂規犯戒
違儀霜蓮之喻可取真雅心同枷大身類繫
猴狂花從發於非時甘菓何期於登熟課籍
殊常之寵猥叨非據之榮道乖隨時智不周
務未嘗引一掃滴以添大海撤微塵以裨頂旆
曉夕思惟身心慙愧不以欲執降退歲月已
深在今述宿表之壞豈追陳虛饒之讓但真
雅昔在陛下誕育之始聊申左右擁護之誠

自謂且緩殘喘之期明致太平之化是故遲
疑猶豫未敢自辭方今草木之齒七十七有
餘樹老葉危望秣風而將落鐘鳴漏盡恨夜
行之不休况亦積以羸疴漸覺加劇常恐涖
山忽破不復見金輪之感儀并水急流無由
奉玉扈之光饒亦自慙焉真雅生已荷德死
不忘恩唯願陛下憐一老僧賜其骸骨若
得解彼法任卧月壑以終餘年湔此塵勞飲

石泉以養衰疾是矣伏待矜允必降天慈詞
盡精戒悲纏涕泣臨表哽噎不能自堪無任
懇欵之至謹奉表陳請以聞謹言

為真雅園梨讓僧正第二表

沙門真雅言小僧先上手疏披露胸衿照臨
之光未迴肝膽之訐訴切小僧器与功淺病
隨年深次之愚心欲還聖授而陛下更降鳳
詔備俯以鳴慈發其優渥之詞不許辭退之請

天私雖厚人謗難逃如此累年胡顏於世小
僧之讓非欲其高內視不明中道而止伏願
陛下曲及汗於當年小僧不遺笑爰於後代無
任情懇之至謹重奉表陳請以聞謹言

為真雅園梨讓僧正第三表

沙門真雅言小僧今月生後再再露愚衰稟頻降
偏覆之仁未賜允遂之命小僧因隨功而受受
世不為貪籍才而筆人与其進否則時論同

口取喻於捕鼠之猫物議聚胥假說於伺奠
之鶴小僧結使山峻凌着海深放毒龍而不
追制魔兒而難縛况亦跨濟無術統理非材
猥居法座之上頭遠慙如來之右臂加之小
僧去月違疾將不復還陛下致以懸蛇之醫
向以珥貂之使故中陰之體感恩而更來東
岱之魂賴德而自反今統續絲髮却苦虛羸
客頭顏字消損於昔年志意衰落於恒日薄知夏

務惱發於心聊且作勞汗流於額餘儉如此
殘喘幾何自厭煩於持領之任詎昧采於提
綱之寄當今種智慧之樹開功徳之華御緝
馬而飛行駕白馬而遊戲一十五德莫匪宿
和尚之群三十万人皆是大比丘之象奉之
而用必益於治豈使愚蒙久妨賢路皎々者
日鑿小僧之素懷蒼々者天察小僧之丹慙
伏冀 慈仁特賜哀許若得退影巖岫歸老

庵廬則遙護紫殿傳禮誦於松風之秀閑卧
白雲了禪觀於蘿月之曉無任知止之情謹
重奉表陳讓以副謹言

為宗毅園梨讓律師第二表

小僧宗毅言小僧往年上表自辭律師豈飭
讓乎小僧本煙巖之窮隱耳才藪有效夙業
思慈逮從御鶴之遊遂屬乘茲之運陛下追
錄旧功枉加新寵酬答之誠已淺慙愧之心

漸深不意更降天綸寄以法務小僧寢興審
分不可偷安乞解不任退就山阿小僧之宿
素也伏冀陛下日月之明幸賜照許敢重陳
祈期於獲命小僧宗毅誠惶誠恐謹言

為宗毅園梨讓律師第一表

臣宗毅言臣前後上表欲解不職而小信未
字苦請雖允自強從夏歲月推移然猶廢廟
甚多補益全少重之臣齒歷衰微氣力虛憊

三昧息於脩習四句劣於誦持臣初謂携衣
鉢於草堂結菴庐於竹阜以盡殘喘以終餘
年何意公寄枉加私慮不果責無咎之性求
有成之功深耻道俗之心誰塞譏議之口縱
今 天慈優假許以備負所冀免細務之拘
牽遂閑養之宿素臣之望也 陛下察之無
任情懇之至謹重奉表以聞臣宗毅誠惶誠
恐謹言

都氏文集卷第三

都氏文集卷第四

詔書

勅書

勅符

條狀

詔書一

上清和天皇尊号为太上天皇詔

詔朕在膺穀託猥纂鴻基戶子顧秋駕而晨兢履

春冰而夕惕伏惟太上天皇化架驚波澤

漏蟻穴光華之運未盡謠歌之聲獨喧而今

簸落糝糠洗除塵垢不德其德不切其切境絕

迹殊無得而稱然國有成典不敢愆忘謹上
尊号為太上天皇有司依式主者施行

貞觀十八年十二月十八日

改年号詔

詔朕聞善政之報靈貺不違洪化之符神翰
必至朕以寡薄辱奉 丕基德未動天惠非

感物而去正月即位之日但馬國獲白雉一

二月十日尾張國言木連理閏月廿一日備

後國貢白鹿一或體誤曉月羽毛映於丹墀
或躰凌寒霜枝柯被於青鄣皆應符改色感
祥變容豈人事乎蓋天意也當是上玄錫祉
下民蒙恩今若仰而不宣謂朕屢昧思与海
內同此休徵亦失曰臨建元非無故實嗣位
紀号既有前聞况今振柘燧改煙莖灰正氣
風物和暖卉木繁滋宜逮佳辰辰以開寶運其
改貞觀十九年為元慶元年自今日昧爽以

前大辟以下罪無輕重已蔽露未蔽露已結未結正繫囚見徒悉皆原放但犯八虐故斂謀斂
強竊二盜私鑄錢常赦所不及者不在赦例
又内外文武官主典已上賜爵一級其正六
位上者迴授一子五位已上子孫年七已上
者叙當蔭之階僧尼滿位已上加位一階其
大法師位已上者迴迴授弟子夫以九州雲梯
百郡星連天降禎祥也地有夏正宜復尾張

但馬備後等三國百姓當年徭役十日就中
瑞所正出特須優矜其命華田郡勿輸今年
之調春部及養父郡並免當年庸其接得神
物者多治比部檣但馬公得繼等叙正六位
上看着珠木者僧道能到岸等授位二階並
賜物唯例庶使鳴休固極流遠近而普霑風
曆无疆配乾坤而旆久主者施行

答公卿賀瑞詔

勅得今月十七日上表見有賀瑞之詞朕以
為禎符之降必應感德顯慶之至不於菲庶
方今運祚光華國多災異水府使者熟為來
哉朕反覆靈篇考合祥謀自驗白蔡之質有
時而浮疑是青蓮之逝無心而出何出天祉
以為已榮朕若受之非唯慙色於往時更亦
厚頌於來代宜得此意且止領車

被灾百姓加賑救詔

詔朕聞枯王調序天吏於乞休和眷后来時
風俗所以敦阜自朕纂葉驟移暄寒洗耗之
萌漸軟化育之孚難達中夜慙慙未假敬眠
去夏甘澤頻降苗稼肥好朕初謂上天錫祉
黔黎之業能豐下土資腴紅粒之糧可蓄何
意百年之老穢收擊壤之聲五尺之童更癡
鼓腹之詠如聞諸國風水致灾隳河之鄉鼠
居鳥樹之上濱水之地魚行人道之中老弱

後三七不得其死田園淹損或破其生靜而思
之切於軫悼夫凶宰者民之父母也豈有兒
子既罹罹其憂父母乃不流涕者乎其屍骸
漂散不得主者官為鈎求加意埋掩被災郡
縣免當年徭天氏之窮不能自濟者量加賑
救庶使已飢之口有再飽之期不存之塊銷
無聊之恨主者施行

贈外祖故中納言藤原朝臣左大臣三位詔

詔紀德錄勲代既異而加等飭終追遠身雖
謝而及恩况乃天愛之深理切敦族人道之
重情殷睦親外祖父故中納言從二位藤原
朝臣識度夷雅餘慶延於身後外祖母藤原
氏傳傳聞訓家著閨儀蘋藻藻之禮祿恭松蘿
之義交暎並徂耀靡借傲祝景於西峯關水
易驚遂遊魂於東岱悲玉樹之早落不見孫
榮訪瓊蘭之遺芳宜從子貴外祖父可左大

臣正一位外祖母可正一位死而有知嘉_茲
哀贈主者施行

勅書二加異太政大臣藤原朝臣勅書

勅功多者賞厚先王之通規德茂者位尊性
枯之尋訓是故蒼精既著增高於曲阜之基
朱火以光加映於博陸之地爰及本朝久有
舊典皆述存於鈔契事徇於緹蒞朕外祖母
太政大臣藤原朝臣風稔沈遠器度淹凝攝

騰之寄攸歸據升之任是重朕自在襁褓賴
其保生義為君臣恩過父母盖有不世之功
須受非常之寵而鳴謙在心卑損無已所以
顯著之續續續春秋繁茂隆崇之典歲月寂寥今
朕已得成人大臣頽齡漸暮若遂梧多之美
不崇加異課之章則恐當時後代將歸謗於朕
躬夫太政大臣法當食邑三千戶及隨身兵
仗國有成戎又唯三宮給歲官先帝之恩寵

也而至于封邑因讓二千唯享千戶隨身等
事皆辭不受朕以祿法所當古賢不辭既能
有其功居其位何不食其祿增其威然則死
辭封邑等事乖元老崇班之義非國家廢飾
之心故^今不敢踰法唯盡其所當宜其封邑
全食二千以內舍人一人左右近衛左右兵
衛各六人為其隨身之兵又結帶仗質人廿
人歲官准三官事^亦當奉道先帝之遺詔又

大臣所保官爵皆是先朝之寵章也於朕之
時每一加益仍欲授正一位而深忌^元極固
自遜辭朕不敢睽違全其沖挹斯久屈已之
志成人之義也普告遐迩俾知朕意至者施行

卷太政大臣讓對勅書

勅表鞫累沓含咀雅言來誨殷勤之友覆而
已公仁為已任他遵朕所以推朕之心置公
之腹久矣蓋功被久者當受天下之重賞而

公風素在懷雪白其節不履肥美之地屢吐
降挹之詞夫謙云損云減者所享之謂也今
公空有上台之号顯辭以其封賞豈非行過
於謙事^遠捷於法乎仍以先辭之封賞纔為今
日之慶賜皇天猶當降以福鬼神未可害其
盈何貪公好讓之高義不顧朕忘德之醜名
今朕刻屢豈飾之典孤負長養之恩^恩公是朕
之鷹鷂^亦之須從其然肅如公之減重增朕之

干城豈以在直廬之故闕其隨身之兵又年
官者先帝之遺規非朕之新意孝子善述父
志忠臣不失主心公為忠臣朕為孝子不久
美乎但素表以為穀稼載登鳥鷹在御然後
食邑固不敢當朕重違元老之意欲開福讓
之門宜分為三以享其二自餘一如前詔即
斷^衡後章

卷左大臣藤原朝臣為故太政大臣讓追封勅書

勅省表悉之故太政大臣忠仁公保養朕躬
正訓苦切朝露^溘至傷如之何凡褒贈之^誤
所以旌有功表有德也忠仁公起於外祖之
顯地重以上台之元功朕思所以加隆無所
不至但尋公平日之志^深採^深秉謙損之心是用
纓飾以正一位追封為義濃公 朕之心猶
有不厭軍法斬一牙門將者封侯万里之外
夫斬一將之功孰与安寧天下况之有天爵

者人爵從之朕答於思公食於道假之議者
誰謂不宜今邪上表為公讓之朕雖知其丹
誠^未忍割素意宜如前詔莫有所請

答右大臣藤原朝臣為故太政大臣讓封勅書
勅右大臣藤原朝臣得表已知為故太政大
臣忠仁公讓封朕聞存立嘉^庸痛沒受寵渥古
之遺法也公儀形道著輔道年深仁為已任
死而後已朕追加封爵同之生存答恩篤也

而鄉稟遺旨再三固辭朕察其至誠不拒來
請唯餘位封之所輸以示厚意之不已今纔
適忘景更求讓還朕以為古之功臣有傳世
不絕之誼况公地居外祖天下推勳至其遺
封未謂養食於朕不失割腴之賞在公非為
軫臂之食聊添幽宥之榮兼助奠祭之費朕
不勝感泣鄉勿復請焉

答右大臣藤原朝臣為故太政大臣讓封勅書

勅省表具悉故太政大臣忠仁公神宇凝高
風量沈邃丕切著於竹素雅操茂於主青朕
賴其慶雲之惠得遂幼日之生顧言性恩未
可忘己是用餘其位封以存追賁而鄉為述
遺讓至于再三確請竺苦見於詞章雖欲在
從其可得乎故今白_日收汗_臣土膏於封疆
黑夜更明增謙光於幽壤終訓_世達公意已
達本志不遂朕恨如何

答惟高親王讓封勅書

勅重表悉之王神涯高踣情實大通吞北海
於曾陂容東平於掌地出雜之世象入妙趣
之法門鬘頭能藏厚身甚瘦朕異躰同氣昵
愛之懷可知一株連枝榮枯之期相共今之
封疆極乃突隘聊助斗藪之法具之是對山
之禪糧而王滌慮澗水窒欵巖菴代衣服以
薜蘿當煙霞於冷飯瓦在野饋之詞彩深執

釋損之讓光此作以為榮唯表情素耳惟王
虛心而受真真字以拒拒之若復重辭言為踈朕

答右大臣藤原朝臣讓職勅書

勅右大臣藤原朝臣讓表三至具之朕推心
於卿大小忠委而今頻致叔社之請未親補袞
之勤雖清風足以激貪而素概何益匡政若
欲雲霞聳意不在人門朕豈棄之若當輔道
眇身共安天下今其時也遂以往命便斷來章

卷右大臣藤原朝臣讓封勅書

省表聞之朕重賞其餌為賢輔而莫愛膏壤
腴土資勲德而斯分弼藏器於身運機在慮
况亦先天鷄而早起為國之勤急焉後林鳥
而脫歸顧家之念緩矣朕靜言夙夜之勞思
慙稟餘之薄而表幹相望減杞之請每已肝
膽皆露初讓之懷可知至于再三難以遠之
仍降此一切之制留彼千戶之封但至如職

分資人職田季祿等既曰舊典未許新辭若
苟任來誠以關徃法則恨鄉損削之義有餘
優賽之意不足宜得此趣勿有裏陳

荅僧正真雅讓職勅書

勅真闍梨者表悉之公白葉楓著玄韻孤高
四無量之觀克明三菩提之心祚固朕之景
慕豈只一朝二十餘年賴其普濟近曾聞公
寢疾助憂于懷松恨圓光一收不復相得方

今醫王下手保全上身朕欲依禮接之便共
議國家之事而今更執辭退不統經維解累
塵區屬想風竇雖虛已之讓在公取高而利
地之思為朕不至特領之任永以委之媿不
復嫌朕之願也至如待餘年於月齷養衰疾
於石泉公自任其雲霞之心朕不致以羈束
之強唯望卧治法務暗鎮浴心耳宜得此趣

莫裏表請

勅符三

勅符出羽國司

應追討送賊事

右得彼國今月十七日奏狀已知夷虜悖逆
攻燒城邑犬羊狂心暴惡為性不加追討何
有徵又事須量裁精兵扼其喉咽但時在農
要人事耕種若多動眾恐妨民務夫上兵伐
謀良將不戰功設方略以安邊民亦別有勅
符下陸奧國若當國之兵力不足制者早告

陸奧令其赴救凡蠻貊之心候時而動雖云
醜類之可責抑之國宰之不良宜施慰撫之
化以過風塵之亂勅到奉行
勅存陸奧國司
應豫警武事

右得出羽國今月十七日奏狀倭逞賊悖亂
攻燒城邑者兩國接境非常難知无豫戒或何
備不虞宜加警肅以鎮國內之若出羽國來

請援兵隨茲精勇應時赴救兵貴神速罪深
逗留待其告急莫失事機勅到奉行

元慶二年三月廿九日時次四冠

勅存陸奧國司

應聽茲援兵事

得彼回去月廿五日奏狀具知老茲援授兵赴
救出羽之來奏以有狂奴誰能因衰緣隙請
發國內之控弦以備醜類之逆寇役事在慎微

俯依來奏今須簡練精勇拒守要害兼張道
邏令其催望但軍興之後俯帑每餘久動士
衆忍貴費糧食量施方便早休勞役奉我朝威
以警夜事勅到奉行

元慶六年五月五日

勅符出羽四司

應早速討滅夷賊事

重得奏狀具知凶類滋蔓致略良民茲以

來望有成効而今官軍致賊敗徒作氣用兵之
道豈若此乎今勅上野下野等國各發兵一
千二重勅陸奧責以緩救宜合三國兵一時
擒滅凡軍陣之法必有注記諸事大小皆在目
前察其所緣為苗成敗今所上奏狀極極極極省
略胡城雲隲魏闕天遙路遠事疑非可指回
必須事每巨細委曲記錄令可知見老弱在
行耕種廢務早休染鏑之勞當崇橐弓之化

勅到奉行

元慶二年四月廿八日

勅符上野回司

下野回司此

應差發殺^援兵一千人奉

得出羽國今月十九日奏已知凶類氣威致

略良民^鼠輩^鼠發狂狼戾無已不加利刃何懲

遂心宜發件兵星夜赴救表裏合勢腹^背輩攻

擊仇隣境之義實須相機况於因賊何不共

討若致遲留論之如律云其所發之士各備

路糧便遣國司目已上一人史生若品官一

人押領其事以此一舉之兵早成万全之計

勅到奉行

條四

日本國大政官條

渤海國中臺省

放還謝

恩并請容使事政堂省

孔目官楊中遠等凡壹佰伍人

條得彼省去年九月十三日條傳近日專使
楊成規入貴國後年本國往唐國招般檢校
官門孫宰等署海岸 天皇特賜憐念並蒙
大恩之奉尋前又仰得吉記兩謹免政堂省
孔目官楊中遠申謝 恩造并請嘉客者國
家^家大体仁尚含弘其異倦殊方遭^風颶失泊漂
着此岸者歲有二三或象^骨難通或鳥鄙易
惑在^可不問東西加意^活活^活稟米稟粟于橐

于橐如此晉施不復求執况乎渤海世為善
隣相厚之深未足為恠不恃我德還恐人知
煩更謝恩實非元意加之以紀為限物紀度
予前後文書斟喻重疊而僣忘之甚不知噬
臍過涉之凶至于滅頂之憂曩時有制停遣報
使數十餘年以為流例今讀未條見有此請
頓廢舊章豈无新賚但中遠等割依風之北
思甘蹈海以南脫聽灰鷄而或行逐沙鷗

而在路波浪浸良鬪舟舩渡穿脊彼赤心收其素
款款仍命在取勢令交存大賚之科恒舉由恒典
斯乃事緣一切誰謂通規恩出非常不可串
習令遣中遠等放遠本邦事須守前期於盈
紀後舊好而更來條到准狀故條

左大辨源朝臣舒 元慶元年六月十八日

左大史山宿祢德美牒

狀五

請以所帶內記職讓與諸才者狀

右良香自任內記于今十年唯之往例實為
過分昔唐虞庶官能理吏相讓於上民不爭
於下量其力審其分指其人讓其職至于外
末節讓萌生外爵其官內惜其職故梁奉朝
請吳均論之以為伯益辭士堯朝載其風范
宣讓鄉晉國賴其治皆降已隆賢非若今之
讓者却於魏世但明讓去伐未有推轂士林
良番在此明時敬順陽礼臣之塞責莫過貢

士伏見伊勢大掾滋野良翰權少掾藤原春
香出雲權掾高五五常土左權掾大藏善行
等並文富春華學收秋實若柿^{廿六}筆麟閣洗硯
鳳池則左右得人^起起居傳義畫^餅不啖鑄冰
自^始謹言

元慶三年二月一日文章博士從五位
下兼行大内記越前介都朝臣良香
右近衛官人止大將狀

請被賜官人等補近衛狀

右謹案故實式兵兩省官人各賜補任人其
迹猶存左右近衛官人乞賜近衛至事已寢
自後不余類多見仕數少免充諸處或有不
足今請准據舊例賜官人等以補近衛但^至
所補必簡藝能不忝之輩便徒解却宿衛官
人等星夜不眠霜曉^二死比彼仁者之劇已
非一日之論方今上有慶賀下當賴之幸遇

將府鷹揚之秋即是士學鳥菟之日伏賜
採察被許容謹言

謝渤海揚太使贈貂裘麝香暗模靴狀
殊貺難當堂敢輒更謹勒奉返望不恠責不
宣謹狀

即日起居郎都良香狀

謹奉太使公節下謹空

贈渤海揚太使狀

中夜相思葢於從手聲遂以成詠勒茲暖令副
使公及憲事首領同和幸也少間就房言展
不一二謹狀 五月廿四日典客都良香
使公節下副使已下並附珍重謹言

卷渤海揚太使狀

得所來示傾愁良深公綴屬之義絕於傷人
自稱短韻何言之讓應時而和所望之請留
面謝不宣謹狀 即日起居郎都良香狀

謹奉太使公節下謹空
不節下 禮宜

為丹洲清刺史請問裁狀

請國郡司等帶釵以備不虞狀

右此國所治危峻直臨北海新羅菴窟天齋

遙見謹檢業內去貞觀五年新羅東別嶋細

羅國人五十餘口舟行遭風漂著部下竹野

郡松原林言上先子又故老申云海浦小民

或得風濤蕩來衣履器皿等皆殊方之僑物

非中國之所有以此驗之異賊拜城相去不

遠恐有兇類一旦來窺已無武備何以承之

望請勞釵以禦非常謹解

為澄拾遺屈圓陈法師等狀三首

弟子某謹白福出不置所恃弃背運節如流

七日期及來月七^生日於東塔院將葺法華卷

甚厚也伏惟大闡梨^戒或珠圓淨定水冽澄倚

於不二之門馳於一乘之陌况乃探幽入山

若行絕境訪去渡海坦步危濤弟子籍甚微
歎^歎為日久矣教修之屈之禮敢求講演之仁
慈悲之故必賜 哀赴遺孤之上願也輕以
敬^敬愕慕襟流行弟子某稽首和南

上都誦上人狀

弟子白某為報生秋不此言之思^思敬寫妙法華
經一部仍須來月七日於天台山葭明題目
伏惟和尚慈悲在念汲引忘疲戒^戒行薰修實

世連頻弟子所以至心歸命屈為都誦幸垂
哀^哀許是之仁也弟子某稽首和南

上咒願上人狀

弟子某白亡考七之忌指今月晦以為期便
須於和南^{尚平}所居山頂以修追福之法會和南
去月尸柩在堂口授咒願亡考冥途未宜^{告失}
墮今久重屈再漂高足唯願尊者莫惜妙^在
於存亡不敢忘德某稽首和南

都氏文集卷第四

都氏文集卷第五

對策 策問 策判 有試詩判

神仙

對竊以三壺雲浮七万里之程分浪五城霞
峙十二樓之楹柳天信迺劉真彼宅蹟困不
死之區羣仙所都路入寐人之境若存若亡言
談杳而易絕隔視聽耳目寂而早通遂使
人兮麟角輒比之於繫風俗多牛毛妄喻之

於捕影是則井蛙淺知當受笑於海壺夏崇
短慮終昧辯於冬水求諸素子樂論長生之驗寔
繁訪結於玄談久視之方非一故得扇南燭之
東輝後天而極樞絳桑之穎遺入道之真獲姐
娥偷藥奔魄於秦漢之中玉女吹簫字鳳音
於麗譙之上鶴飯旧里丁令威之詞可同龍
新儀陶安公之駕在眼莫不乘虹帶霓裳
淡啞啞百川呼吸万里四九三十六天丹處之

洞高闢八九七十二室竊巖之石削成芝英五
色春雨洗而更鮮松蓋千緜暮煙扶而跡濛
奇大吹花声流於紅桃之浦驚風振葉香分
於紫桂之林斯皆夏光散編餘映廡盡義茂
翠簡遺藹可極但真途遠窈竒骨秘而独傳
妙理希夷凡林求而不得雖則平謝可揖子
晉之舉不疑然而口說斯虛須曼都之語難
信泉驗爨朱兒而練氣當在天賞向玄牝而

取精非因人力是故骨銀彼存好尚分於皮
竺相法既定表候見於形容眼充照已方諸
之紫名相傳手理果人太極之青文不朽此
類蓋多冒鄧林而蒼根葉其流於廣敬激解
沸波潤慈心陰德同諸青童之談吐故納新
著自黃黃老之術我后化躡鞭草聲高吹筠
蔭建木而折若華御薰風而靈慶雲勢掩崑
岳蛇身繞而難周德重造山靈龍背負而無力

自始望洛陽而接軌不容髮於帝放勛輪
浩之為輪講口於穆天子對

漏刻

對竊以並雲海露陶炎涼而調年日星運
昏剛而成歲是故中和之職吹鳳沫於陰陽
司曆之官分蚪箭於晝夜自古孕化運運之
君臨人宰物之後莫不順天道而垂法叶神
機而載規故後金徒於守漏銅銖之間差差

課銅史以候時贏縮之理不失懸泉為狀以
沒刻為期幽水澄清以盈器取準夏至至
後急之度斯存者秋分中正之法已立雜
人曉唱聲驚剛明王之眠鳥鐘夜鳴響徹暗天
之聽凡而而晦與斗杓而寫符冥充景以移共
圭陰而相得傳甲乙丙丁五更之期能授授寅卯
辰巳百刻之點自分逆使天地之意可得而
知鬼神之情廉隱其奧斯蓋物同矣造自然

而然遠入精微至妙之妙者手若夫守不假器
契壘以執謹慎勿失機視尅以從事更蘭人定
聚櫟之警可知月冷水冰鼎斯之切彼在凡
夫永元之制難為長代之規既早肝之衷亦
求奢促之實霍融之談詳而不密衛宏之論
較而不詳登高作賦陸機祖陳昇降之儀見
器立銘孫綽未善短長之善善速于梁高博練
靈鑿昭然上應天時下參人事反覆其二十

三箭調御彼三百六旬羣品載成朝坐聖之節
有定庶官興治哺食之候無虧改舊失於佳
季創新法於今日袁司宜之手議足以可觀
劉左丞之讚成誠為有味言遺精非鬼血辨
論之口易窮異學神鼻聰福習誦之腐腐拘食時
之期忽過顧淮南而有恥春父之漏頻寫寫望
山西而驚魂謹對

策問

策秀才管原文二條

明氏族

同錫姓分類導俗之方著受命氏表功軌物
之迹至矣是故魯記整月天子勸建德之風
周官司春小史從兼世之事至于百王肇興
有苗有虞茲民孳乳乃父乃兄契相漸長繼
甕聳燦日之榦神涸增流懸米沸浮天之浪
正以系餘尋韶穆而難窮考之譖家望門兩

而易或陰陽清和之本直述其先都輦安考
之由詳發所出前謝後歟為異為同此余孰
真孰偽子祖德在頌架陸機於詞儔家風著
詩沒潘岳折筆海請分淄澠之味莫以河漢
其談

辨地震

同貞牡朵氣奉素一以輸切富姬資生娘天
三以通數厚則厚矣沉静為意大實大穿象

頃凝軀何以易彼本性落蟾蜍於銅儀失比
帝精鷲雛雛於金運寓素海水同其說而猶
疑攬迹幽荒依何物而為變自玄律流遠控
靈枝而東流白馬蹄輕負寶葉而西入^恒海沙
衆生盡清餘化之澤梁婆世^華界鑿^華遷^華毅之堅
六、亦六、種勸之名雖分一一各三三因
緣之別矣辨迷而未復何方為南策尾張掾
滋野良幹文二條

僧尼戒律

同慈悲為本如來不救違教之徒徒愛惡在懷
世尊猶結犯戒之罪故八萬四千半月之說
曉鏡二百五十一時之談白明竹園魔化之
旨當傳因緣菴山積之蹤心加指告大小訃
請飲食違嚙之儀奚為上中頭陀思惟住止
之法具奉盥手澆波時勅定水少澄澹之流
毒霜夜零善牙有嗽傷之病思戒之輩自度

所天白淨之葉將墜于地遂使菩提樹俄無
其根梅檀香独檀其氣雜則逸馬可繫既立
象外之科然而老牛難馴欲設方內之禁子
思流龍宮學單廉苑宜埃毗尼之趣以塞穿
缺之源

文武材用

同治亂之運途往邇未文武之興一彼一我
所以策鋒時用則共又徒銛氛霧乍涌則彙

露空脚馳張之决請鼓言泉先後之事宜激
樞電馬鄭張棻短長矣談程李韓欽優者未
辨久夫下體上精繹萃天文者星運也象志軀
赴敵報勞國事者王臣也百十八名相將居
於何處一十八職大小著其所掌當今表裏
夷晏舊焯之然從風南北萬條古塞之塵埋
於廿年收氣無後煙成之行无將告切唯見
雲閣之盡然則含亮之士有餘緩賴之夫無

時方欲駮席振於儒林列鴻生相於字歸何乎
不可取定於雅論策秀才藤原佐世文二條

决羣忌

問吉凶共域實人喜之自於禍福同根也天
意之恒分故樂於哀至寵辱之間表發賀門
吊廬倚伏之方不定雖乃連連人大觀独有
不憂之明然而野俗少知獨嬰物忌之累所以
死生存亡之論胥吻東西陰陽推步之家戶

蒲南小至子未葉斯隣滋歎甚有者多過設
者少過使動作依術詞語設方非唯人倫轉
及禽獸未審露頭進食誰戒其於值耳止食
更有何意千年滿竟之飲取之實言一旦計
錢之禁違之何害蝶近軍騎定為何微地惡
翁龜難曉厥理並須引神經而別机竅恠膝
而權求假日道不虛行久當實得防遇殆孔
宣尼之設教富貴在天王文山之通商機祥

無同以此竅之偏旁之說理存浮虛成敗之
機用之冥數加之吳季高之不信巫延慶三
代陳伯敬之不言孔殞命一朝今歛三訛俗
之失絕物_拘人之疑取遣之直是非如决子罵
鬼口沸披神心深信得明論以解出蘊

辨異物

同上觀天_象日月星辰迴其光下窮地形山
川水土通其氣群生大小參差不同品彙洪

織續紛軒錯乃有東西南北子午卯酉生殊
方溪谷丘陵死生牝^牡之異壤奇禽^牝獸類聚
群^牝子^牝靈柯百種千名雜物介物^巨息^巨
鑿空波資生於何弗有張司空之千門百戶
其志未諉東方朔之博古^連今所記且略况
忘年代曠遠誰解稱^云之由^立地寂寥難分
物產^解今欲無帶^身目^辨羣類之^同不出^戶
庭坐知^方里之外未詳人而木牙^縞肉牛

乳之佳^核奴^驕婢^履下^可拳^悅之^殊解^或交
生於山^洞之中或雜^柳於^沙渚之^際華^葢而
實^熟更見^無華^載實^之哉^灰積^而火^銷何^有
不^灰種^火之^石木^密初^化之^於何^年楓^人所
生^自何^物魚^且有^智煙^水浮^澗眾^之鯉^鳥
又何^哀雲^霧樓^流涕^之羽^並一^一萃^其郡^縣
明^論其^形容^吾教^鯨魚^而檀^汝為^蒲宰^之
吼

策文章生管野惟肖文二條

別死生

同春花泣露始映紅鮮榮秋葉瘵風紛嬰

黃落之悲即知生之有死理之自然盛之衰

物之恒分雖乃仰觀俯察幽明之故可知然

而窮本討原變化之方易惑去無之有假何物

以為基根自有還無指何處而為素樸夫精

氣漸盡神識銷亡既曰銷亡則今誠忘於昔

識久去漸及則後身異於前身何為其氏之

童乞金銀於孔母蔣家之子求官職於慈親

觀夫人偏愛亡能作鬼怖不知禽獸長逝為

有魂冥冥昧難探耳目不接尋其迫復决彼

遠疑且形也者無知之質也神也者有知之

性也當其生也有知者使而元知者侵及其

死也有知者而元知者首實驗神為遊散之

賓形即這根之館徒飾空遺之館其何益

乎。追禮已往之賓其誰識之。今欲不建其隴
不役奠祭可不之決於意云何。且夫无以生
為者所以得生也。有以死感者所以得死也。
然而負陰抱陽之徒莫不悅其生惡其死。求
利造害之類猶欲去其已就其存未審倚何
化。門物不相物於物得何遠。觀情無妄情於
子情含經咀史古今去來於唇吻之間貫幽
穿明天地覆載於衿懷之裏。且於權也弁之

理以發蒙蔽之心

辨論文章

為同溫子昇邢子才應有優劣盧思道薩
道衡非無妍蚩雖玄猿隸漏卮檀艷送於往日
熟與白鷗冰磴傳颯流於後年夫作文之類
遲速不同稱詞之家巧拙各異相如則腐豪
乃羨思之緩也二十枚臯則應械可觀思之急也
思之緩者其感至深思之急者其興最淺赴

於時用宜有所施論之人不河者為勝也夫
方圓異器長短殊能雖云經藉滿腹之儒難
逐文章隨手之變或以為綴屬之若當有天
分或以為裁製之士唯在人習若言有天分
則精神不可疲於用練假_日在人習則慈又
毋頃移於愛子是非之憤填於我胃淺深之
量酌於汝意文之無用者雖美雖艷略而剪
之義之有實者雖米雖瑣細而言之

評定文章得業_業生三六位下行下野權掾菅
原對文事

明氏族辨地震

今校所對初泔云余是荆安之族源出由余
余則穎川之人說通應即案姓氏譜云余氏
者夏少康之苗襲越王句踐子聚為顧余_侯
其後子孫相分或為顧氏或為余氏_余宗
族多在江南歷代以來文字訛謬在此_存余

氏向南誤為余氏而對文偏尋秦鄉由余之
本未辨長胤變余之疑遂分余之一枝誤
為踈隔之二族又云射鴻臚之後出自漢季
而育三輔謝吳運之光出陳留而流千載率
三輔決錄注射扶風人其先本姓與此地謝
同族始祖謝服為將軍出征天子以謝服
非令名改為射子孫氏身遂有前謝後歟然
則謝服射授其族同故別以前後至于謝咸吳

運其定既殊誰疑其同異讀同置對豈如此
乎又水龍當作警鳴鐘且為臚凡詞人之用
思也必須前後相兼定其區致若理失通允
之次則文無依託之方至如後條所列時豈
泰而安之哉計不可以得已也之句可謂密
居一處不得其偶者也又寓言海水雖得游
魚之誤探跡幽荒未解臬臬之怒理窟難究
空疲五大山之佳選思風安吹徒苦六方歲

之交戴又所引念佛三昧經及大智論綠舉
踊六使之體你不分各六合三之因緣又同
頭之中脫落名字况久病累頻茲亦違格律
然而但織詞章其跡可觀准之令條文乎理
粗通仍置之中上

改判民部少丞從七位下藤原朝臣佐世
對策文第事

決羣忌辨異物

實如所訴加之佐世才學漸長當為國用
何責一日之失對唯善善子年之得人今長短
相補終處中上

評定文章生從七位上菅野朝臣惟肖對

策文第事

分別生死辨論文章

今校所對頗有踈謬問云去無之有假何物
以為基楨對之精構陰陽非無性誥今舉對

文雖知男女陰陽之感不詳父母基植也說
又問云自有還無相指何處以為素梓對云
魂版秦獄自有前言今案張華說泰山者知
命長短召其魂灵未問人之始生從泰山來
已非其所來何知其還索人之死也化窮數
盡及素復始孟堅後宜之談近是得之今若
所對寧以泰山為故鄉乎泰山之府非故鄉
又對云有無之辨孔文文秘而罕言今案此文

甚非通允何者孔子推命於天不言所由但
若死生之說有無之辨說之詳矣而今稱孔
父秘而不言非夫子之本意又周死孔之教唯
教化者去衡平之談不論死生輪迴之理故
刑刑即云人死還生况為蛇盡足而對云苟識
尚存後身可託既認其對又非其理又云今
欲不建丘隴不設奠祭而對文徒論祭祀明
驗之由不辨丘隴追思之地又問云兩班文

字之死一種共春對云班彪著書之業業班固
繼而易成今案劉勰云舊說以為固文優彪
然則兩班詞采既有先談而對文安引修銜史
之妄實失所同之旨又案北齊書邢子才亦
溫子昇為文士之冠世論謂之溫邢又案隨
書史論盧道居薛道衡之右而今對文溫邢
盧薛無所升降又玄後漏危之文先賢呼為
名作白鷗水碓之詞性度未有推論而對文

混為一類不分清濁又對云江南河朔輕重
繫年時比較下句時上脫字又枚馬之枚誤
作牧字又宮商誤為商凡作文之體自有
定准其用教端緒陳置大總必須豫論物理
暗合題意起文於此會理於彼取上事以證
下事論後義以正前義若失此例體勢若爽
而茅一對文發首一詞敘事綴慮不依題意
雖辛苦於翰墨而寂寥於事由作者之病可

謂彌而為言貴在約文不敷多善合者為難
過繁者為易而今自謙之詞極為冗長加之
兩條之中同辭重生駢枝有損於翰林附錄
不除於文體况又病累相仍亦調津物而論
之二條之中十六徵事其通者多其略者少
長短相補文理粗通仍准令條處之中上
評定蔭子從八位上長統朝臣負行時務策
文第事

化俗 教民

今校所對導齋恒於淳源參漢文於霸道又
回頭之中變諸作論如此之類可謂紕繆例
之難維教民之宜頗得其術而化俗之理既違
其方准之令條當為不第謹案國家之制文
章得業生及擬文章生等得試定第皆有四
科至于進士獨設二科因茲頃年者此業者
徒有點額之愁未見奮躋之勢今負行走對

推之甲乙峻而難登設有丙丁跋而可及

評定擬文章生詩茅事

荷鍾成雲詩

清原善胤

高階茂範

永世有守

高向利人

文室長者

賀茂時令

御船弘方

右善胤等詩雖成雲之文未及為綺而鏗之

與頗有可觀但茂範詩第四句云致木作雲

切會其理趣難以通釋然而詞流足既筆耕

可收補以短長並為丁第

惟良高望大神良臣興道春定藤興範

三原今岳藤原助獸麻績良高

右高望等詩或稱思相差或用韻不類落第

之根各自取之

三國有行

右有行詩非唯綴閃之未道更恨次韻之不

足龍門之水日急鱗飛之期年送仍為不第


評定擬文章生詩第

之外秋者實詩

平朝臣是世中原真人有敏

右是世等詩文凋其華義批其實仍為不第

都氏文集卷第五



春齋一棧

